

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **80 (2018)**

Heft 2: **Lehrmittel**

PDF erstellt am: **22.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Co staja vairamaing culs mezs d'instrucziun rumantschs?

In occasiun da l'introducziun dal nouv plan d'instrucziun üna cuorta survista na cumpletta ed ün pêr ponderaziuns in chosa da la suprastanza e'l president CGL.

LINARD MARTINELLI

Cul nouv plan d'instrucziun, cha nus introduain a partir da quista stà in duos pass, as müda la scoula grischuna dal tuottafat. Para. In mincha cas adatteschan las chasas edituras mezs d'instrucziun, uschè chi's possa dourar e lavurar cun els cullas metodas nouvishmas. O forsa es quai simplamaing be l'occasiun per vender üna nouva seria.

Bun, ils mezs na uschè vegls d'eiran fingià concepits per raiundscher las mêras dal nouv plan d'instrucziun. Quai pertocca impustüt la matematica e las linguas grondas. Bun, pro la mate primara vaina stuvü cumpletter sves. I vain dafatta quintà, cha la redacziun d'ün mez bain cuntschaint per tudais-ch haja il prüm edi il mez e davo adattà il plan d'instrucziun nouv. Be là?

Ed eir las scoulas rumantschas tschüffan toc a toc novs mezs. Suot il titel da proget «Mediomatics» vegnan elavurats ils mezs da lingua in tuot il idioms e nus tschüffain, sco cha Rico Cathomas a infuormà eir a l'ultima CGL, a partir da quista stà davoman il material. Ma na be quai nu vain; eir «NaTec» vain tradüt, a pêr ed a pass culla versiun tudais-cha. Planet vaja propcha inavant culla raccolta. Davo cha'l nouv mez d'alfabetisaziun es introdüt e fingià il seguond on illas scoulas ladinhas e quella suotsilvana, s'implischa planet la curuna. Chi sa, scha la matematica in primara nun

ha fingià bainbod da gnir surlavurada, adattada a las metodas nouvishmas?

E lura tudais-ch. Las scoulas rumantschas, sco scoulas bilinguas da princip, sajan quai quellas tradiziunalas o quellas bilinguas cun ün proget, nu douran quasi ingüns agens mezs pell'introducziun dal tudais-ch, para. Minchatant am dumonda, scha quai chi'd es gnü fat per las scoulas rumantschas basta e persvada? Nossa bilinguità quasi perfetta es superishma, ma ella nun es simplamaing immanenta i'l ajer fin da engiadinais. Vain'la dovrada sco s-chüsa marscha?

Novs roms e novas cumbinaziuns da roms pretendan novs mezs. Ma quels nu paran da gnir. Nu suna forsa gnanca previs? Discus vegnan qua impustüt l'etica e medias ed informatica. In etica dess ün mez ün pa sgürezza, ma qua portaran las scoulaziuns mantunadas dad impuls e bun material. L'istess capitarà eir illas scolaziuns d'informatica. Implü vaina quia la generaziun giuvna chi sa co far, ed il rest craja. Per far a la sgüra vaina tscherchè, eir da la CGL, la collavuraziun cun mia Engiadina. Uossa nun eschna plü pro, ma la suprastanza spera, cha eir quels pêr semins creschan e chatschan.

Quista discussiun ans maina directamaing ad üna dumonda

centrala: Che sort da mezs dovraina in avegnir illas scoulas rumantschas? La suprastanza da la CGL es persvas, amo adüna, cha noss mezs ston esser da buna qualità, bain ponderats, bain fundats, ma eir fich bain adattabels ed agils. Ils mezs pon esser amo uschè moderns – ma – quai chi'd es hoz modern, es il plü tard daman dad her! Raps e francs stessan gnir investits cuntegns, chi's laschan renovar ed adattar permanentamaing als bsögn. Quists impuls vaina dat inavant ils ultims ons, ingio cha la CGL, cullas conferenzas partenarias, es gnüda integrada. Güdichai sves.

Dovraina cudeschs e carnets o retschas da lecziuns digitalas ed applicaziuns? E quant da che?? Las conferenzas s'han e s'ingaschan inavant per material d'instrucziun. Sper ils mezs ufficials provaina eir da metter a disposiziun material chi manca e da sustgnair la magistraglia, p. ex. cun edir Filtric, p. ex. cul CELION. E güsta quia vezzaina, chi nun es uschè simpel da sustgnair, schi's ha da definar reglas ed eir da verer co cha quellas pon gnir tgnüdas aint. E quia eschna permanentamaing landervia a modellar la sporta. Ma eir süllas paginas da las conferenzas as chatta material e links. Eir quia eschna e staina eir landervia.

Visitai las paginas d'internet. Legiai nossas infuormaziuns. Stay tuned!